



Broj: 27-02-35-31288-7/24  
Sarajevo, 18.9.2024. godine

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), člana 11. stav (4) Odluke o utvrđivanju namjene, kriterija i načina raspodjele sredstava za podršku naučnoistraživačkoj djelatnosti na području Kantona Sarajevo za 2024. godinu („Službene novine Kantona Sarajevo“, broj: 9/24) i Odluke o utvrđivanju konačne liste dobitnika sredstava po Javnom pozivu za sufinansiranje naučnoistraživačkih/umjetničkoistraživačkih i istraživačkorazvojnih projekata i programa iz Budžeta Kantona Sarajevo za 2024. godinu, na prijedlog Komisije, imenovane rješenjem broj: 27-02-35-5757-3/24, ministrica za nauku, visoko obrazovanje i mlade Kantona Sarajevo *donosi*

**ODLUKU O IZMJENI I DOPUNI ODLUKE  
O UTVRĐIVANJU KONAČNE LISTE DOBITNIKA SREDSTAVA  
po Javnom pozivu za sufinansiranje naučnoistraživačkih/umjetničkoistraživačkih i  
istraživačkorazvojnih projekata i programa iz Budžeta Kantona Sarajevo za 2024. godinu**

**I**

Odluka o utvrđivanju konačne liste dobitnika sredstava po Javnom pozivu za sufinansiranje naučnoistraživačkih/umjetničkoistraživačkih i istraživačkorazvojnih projekata i programa iz Budžeta Kantona Sarajevo za 2024. godinu za Program B.1a: Sufinansiranje naučnoistraživačkih/umjetničkoistraživačkih i istraživačkorazvojnih projekata od posebnog interesa za Kanton Sarajevo se mijenja na način da se u članu II briše dobitnik sredstava pod rednim brojem 52., a iza rednog broja 67. dodaje se dobitnik sredstava kako je navedeno niže u tabeli:

Rbr	Aplikant	Voditelj projekta	Naziv projekta	Odobrena sredstva
68.	Univerzitet u Sarajevu Véterinarski fakultet	Prof. dr. Nedžad Gradašćević	„Istraživanje radioaktivnosti u Neumskom zaljevu: Zaštita zdravlja i ekosistema“	60.000,00 KM

**II**

Odluka o utvrđivanju konačne liste dobitnika sredstava po Javnom pozivu za sufinansiranje naučnoistraživačkih/umjetničkoistraživačkih i istraživačkorazvojnih projekata i programa iz Budžeta Kantona Sarajevo za 2024. godinu za Program B.1b: Sufinansiranje naučnoistraživačkih/umjetničkoistraživačkih i istraživačkorazvojnih projekata čiji nosioci mladi naučnici/istraživači se mijenja na način da se u članu II briše dobitnik sredstava pod rednim brojem 10., a iza rednog broja 18. dodaje se dobitnik sredstava kako je navedeno niže u tabeli:

Rbr	Aplikant	Voditelj projekta	Naziv projekta	Odobrena sredstva
19.	Internacionalni univerzitet u Sarajevu	Doc. dr. Hamza Preljević	„Izazovi integracije stranaca u radnom okruženju i svakodnevnom životu u Kantonu Sarajevu sa osvrtom na pozitivne prakse Europske unije“	13.500,00 KM

### III

Ova Odluka je sastavni dio Odluke o utvrđivanju konačne liste dobitnika sredstava po Javnom pozivu za sufinansiranje naučnoistraživačkih/umjetničkoistraživačkih i istraživačkorazvojnih projekata i programa iz Budžeta Kantona Sarajevo za 2024. godinu.

### IV

- (1) Ministarstvo za nauku, visoko obrazovanje i mlade Kantona Sarajevo će sa dobitnicima sredstava zaključiti ugovor o sufinansiranju kojim će se preciznije regulisati prava i obaveze dobitnika sredstava.
- (2) Dobitnici sredstava su obavezni, najkasnije do **20.9.2024. godine**, a prije zaključivanja ugovora, dostaviti putem protokola Vlade Kantona Sarajevo revidirani budžet usklađen sa odobrenim sredstvima i u skladu sa budžetom u okviru aplikacije.
  - a. Revidirani budžet postaje sastavni dio ugovora te isti mora biti potpisan od strane ovlaštenog lica i ovjeren pečatom.
  - b. Prilikom sačinjavanja revidiranog budžeta dozvoljeno je mijenjanje iznosa po budžetskim linijama, ali ne i mijenjanje budžetskih linija.

### V

Ova Odluka stupa na snagu danom donošenja, a objavit će se na web stranici Ministarstva za nauku, visoko obrazovanje i mlade Kantona Sarajevo.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-029  
Web: <http://mon.ks.gov.ba>, E-mail: [info@mon.ks.gov.ba](mailto:info@mon.ks.gov.ba)